

genera naturalia ob aliquam specialem notam, dum caetera conveniant.

Spica est ubi flores sessiles multi in rachi subulata, s. pedicelli proprii adeo parvi, ut vix manifesti, non nimis rigide assumendus est terminus; si pedicelli proprii breves sed tamen conspicui et evidentes, *racemus* dicatur.

Spathae vagae in Gynandris v. Iridibus sunt potius bracteae, nec admodum proprie a me spathae dictae sunt in Gynandris.

Spadix simplex qui non dividitur in ramos floriferos.

Jacquiniae characterem dedi in appendice ad dissertationem meam dictam Floram jamaicensem.

Terebinthus Brownii an *Pistacia Tua* 6^a Habeo arborem in Horto Terebinthi, cujus semina a Brownio lecta, sed huic folia perennia, rigidula, in Simaruba vero valde tenera et mollia sunt, quae mihi exsiccata.

Doleo quod non habeas 2^{dum} tomum Systematis naturae editionis 10, ut posses determinare ad quam phalangen pertineret novum genus, tum certe facilius erueretur.

Sucietenia v. *Codene* Tua, quae adeo mihi paradoxa ex figura Hernandezii. Optarem quod vera prostaret figura et verus character. Si poteris communices, nec propalabo.

Pistia, an character Brownii genuinus?

Hedera nov. sp. etc. *Brownian.* t. 148. judicas diversam a Brownii *Aralia*. At scias me habere siccam plantam Brownii, quae absolute eadem est cum Plumierii.

130. n. g. *Cal. et cor. 5 petala diffformes* etc. an affinis *Fumariis* v. *Monnieriae* meae.

212. An *Sideroxylo* affinis.

376. Anne poterit genere convenire cum *Coffea*?

308. An *Brunfelsia*?

459. An *Cerbera*?

221. An *Cinchonae* species?

Vide quam sit mihi impossibile judicare de plantis non visis e nimis brevi characterе, ignotoque habitu totius.